

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), a u vezi sa članom 2. Zakona o primjeni određenih privremenih mjera radi efikasnog provođenja mandata Međunarodnog krivičnog suda za bivšu Jugoslaviju, te drugih međunarodnih restriktivnih mjera ("Službeni glasnik BiH", broj 25/06) i čl. 3. i 4. Odluke o provođenju Rezolucije 1373 (2001) Vijeća sigurnosti Ujedinjenih naroda ("Službeni glasnik BiH", broj 88/16), Vijeće ministara Bosne i Hercegovine, na 54. sjednici održanoj 4. jula 2024. godine, donijelo je

## ODLUKU

### O UVRŠTAVANJU FIZIČKOG LICA NA LISTU OZNAČENIH LICA PREMA KOJIMA ĆE SE PRIMJENJIVATI RESTRIKTIVNE MJERE

#### Član 1.

(Predmet Odluke)

Ovom Odlukom utvrđuje se postupak uvrštavanja fizičkog lica na listu označenih lica prema kojima će se primjenjivati restriktivne mjere iz člana 4. Zakona o primjeni određenih privremenih mjera radi efikasnog provođenja mandata Međunarodnog krivičnog suda za bivšu Jugoslaviju, te drugih međunarodnih restriktivnih mjera (u daljem tekstu: Zakon o MKSJ).

#### Član 2.

(Uvrštavanje na listu)

Ovom Odlukom na listu označenih lica prema kojima će se primjenjivati restriktivne mjere iz člana 4. Zakona o MKSJ, uvrštava se: BOROVIĆ (MUHAREM) ENES.

#### Član 3.

(Praćenje provedbe)

Za provedbu ove Odluke zadužuje se Ministarstvo sigurnosti Bosne i Hercegovine.

#### Član 4.

(Stupanje na snagu)

Ova Odluka stupa na snagu danom donošenja i objavljuje se na web stranici Ministarstva sigurnosti Bosne i Hercegovine, u skladu sa Zakonom o zaštiti ličnih podataka ("Službeni glasnik BiH", br. 49/06, 76/11 i 89/11) i u „Službenom glasniku BiH“.

VM broj 129 /24

4. jula 2024. godine

Sarajevo

Predsjedavajuća

Vijeća ministara BiH

Borjana Krišto

